

Ho Lideransa Feto Nian Lori Ita bá Paz no Estabilidade

Diskursu Sekretaria Estadu ba Promosaun Igualdade Sra. Idelta Maria Rodrigues
Sorumutu Nasionál

kona-ba “Hakbiit Lideransa Feto no Partisipasaun iha Eleisaun iha Tinan 2012 iha Timor-Leste”
7 Novembru 2011

Ho Elisaun Prezidensiál ho Parlamentar ne'ebé besik ona iha Tinan 2012, tinan ida ne'e maka oportunidade importante bá feto sira atu hasae sira nian emvolvimentu iha moris públiku ho polítika nian atu nune'e loke dalan hadi'ak liu-tan partisipasaun iha desizaun hotu-hotu ne'ebé laos efeta deit bá moris feto nian maibé eim Jerál bá dezvoltamentu ita nia Nasaun.

Feto lori hanoin sira ne'ebé uniku no importante, persfektiva ho koñesimentu ne'ebé kreativu tebes bá dezvoltamentu estratéjia sira, polítika sira ho lei sira ne'ebé governu ita nia Nasaun no determina ita nia prioridade futuru nian. Partisipasaun ativu feto nian asegura katak nesesidades 50% husi ita nia populasaun sei rezolve no rekursu sufisiente sei aloka atu rezolve nesesidade espesífiku feto nian ho futuru iha nasaun laran tomak.

Feto iha polítika halo tiha ona diferénsa bo'ot ida dezvoltamentu Governu nian iha ita nia Nasaun. Pur ezemplu, iha Timor-Leste, feto kaukas iha Parlamentu (Grupu Mulheres Parlamentar de Timor-Leste) halo tiha ona diferénsia ne'ebé bo'ot hodi halo lobi bá Sekretaria du Estadu Promosaun Igualdade ho Sociedade Sivil bá orsamentu responsívu bá Governu tinan liu bá. Hanesan rezultadu ida husi sira nia esforsu, sira maneija atu aseura dollares Amerikanu \$500,000 hanesan orsamentu jéneru nian bá Ministériu Agrikultura ho dollares Amerikanu \$1,137,000 atu fó apoiu bá implementasaun kona-ba lei kontra violénsia doméstika.

IV Governu Konstitusionál hola kompromisu hodi haktuir prinsípiu igualdade entre mane no feto, ne'ebé rekoñese iha artigu 17 husi Konstituisaun husi Repúblika Demokratika Timor-Leste no hakla'as an nafatin hodi hametin integrasaun husi Jéneru iha konsepsaun, analiza, ezekusaun ho akompañamentu bá polítika, programa, lei no planu sira, nasional no lokal.

Tuir saida mak rezolusaun númeru 11/2008 husi Governu haruka hari iha implementa hela mekanizmu ida iha Ministériu no Sekretariu Estadu idak-idak nia laran hodi garante integrasaun perspetiva jéneru iha dezvoltamentu bá Polítika, Estratéjia, programa no lei sira iha Governu nia laran. Iha mekanizmu ne'e identifika ona pontu fokal bá jéneru iha Ministériu/Sekretaria Estadu idak-idak no hari'i grupu trabállu Interministeriál ne'ebé kompoin husi pontu fokal jéneru sira ne'e, ne'ebé koordena husi SEPI, hodi garante kolaborasaun ne'ebé efikas no integrasaun jéneru iha atividade tomak husi Governu.

Mekanizmu pontu fokal bá jéneru, hamutuk ho grupu traballu Interministeriál bá jéneru, ne'ebé halao tinan rua resin ona, hadi'ak dau-daun esforsu Governu nian hodi hatama preokupasaun jéneru iha polítika, programa, planu no legislasaun sira. Rekoñese katak igualdade jéneru iha Timor-Leste asume papel prioritáriu, mekanizmu foun sei estabelese iha Ministériu no Sekretariu Estadu iha nível Nasionál no mós iha distritál. Grupu traballu Interministeriál, ne'ebé koordena husi SEPI, sei halao nafatin enkontru ho representatente sira husi grupu traballu jéneru idak-idak, hodi halo koordenaun inter-setorial no kolaborasaun. Hodi rekoñese mós importánsia bá integrasaun husi jéneru iha nível distritál no dezvoltamentu kontinua bá governasaun demokrátika loka ne'ebé efikas, mekanizmu ne'e sei hari'i grupu traballu bá jéneru iha nível Distritu, ne'ebé sei hetan apoiu no koordenaun husi SEPI.

Rekoñese nesesidade feto nian atu hamutuk hodi atinje objetívu komum, iha elisaun Prezidensiál ho Parlamentar ne'ebé sei mai iha tinan 2011, feto sira iha Partidu sira nia laran tau hamutuk sira nian forsa atu dezvoltar programa nasional ida bá feto ne'ebé sublinha área prioridade ne'ebé sai preokupasaun bá feto no preziza asaun sira atu rezolve sira nia nesesidade.

SEPI ativu tiha ona hodi fó apoiu no promove partisipasaun polítika bá feto sira. Tinan ida ne'e

entre fulan Abril ho Outubru, SEPI organiza sorumutu tolu ne'ebé la hanesan ne'ebé lori hamutuk representante nasional sira husi distritu 13 inklui mós membru konsellu suku, Parsería sociedade sivíl sira ho fetu sira ne'ebé iha poténsialidade atu prepara no representa fetu iha nível nasional no nível komunitária. SEPI mós partisipa tiha ona iha iniciativa sira fahe informasaun klean liu-tan bá públiku inklui hato'o informasaun liu husi Radio, TV iha Nasaun laran tomak hato'o buat hira ne'ebé atinje no dezafíu sira ne'ebé mak fetu sira hasoru iha sira nia vida polítika nian.

Partisipasaun polítika fetu nian esensial tebes bá dezvoltimentu futuru ita nia nasaun nian. Planu estratéjiku Governu bá tinan 2011-2030 inklui visaun katak “iha tinan 2030, Timor-Leste sei sai espesialidade ida justa bá governu ho dignidade ema nian ho direitu fetu nian hetan valorizasaun, protejidu no promovidu husi ita nia lei no kultura”.¹ Atu bele atinje visaun ida ne'e, estratéjia barak sei implementa inklui aumenta número fetu nian atu sai empregadu iha servisu públiku nia laran tomak no mós desempenha posisaun senhor sira servisu pública nian. Asaun sira mós haré ona atu asegura katak polítika sira, formasaun ho programa lideransa sei denzenvolve atu fó apoiu bá fetu iha toma desizaun iha sektorez pobliku no mós iha sektorez privadu. Liu husi medidas hirak ne'e aumenta oportunidade bá fetu atu kontinua influensia no aktivamente kontribui bá prosesu dezvoltimentu sei realiza iha longu praju.

Iha ona dezvoltimentu importante no mós dezvoltimentu iha ita nia Nasaun atu fó apoiu hodi hasae partisipasaun polítika fetu nian hanesan halo revizaun bá lei eletoral atu inklui kuota ida iha lista kandidatura nian ne'ebé 1 husi ema kandidatu nain 3 agora tenke fetu. Maibé sasukat sira hanesan ne'e sei ajuda Timor-Leste hodi atinje objetívu MDG nian ne'ebé 35% fetu iha Parlamentu iha tinan 2015, sei iha opstakulu barak ne'ebé preziza atu rezolve atu nune'e bele asegura partisipasaun polítika fetu nian maksimu liu-tan. Planu atu esbosa guia da mapa ida ho enkuadramentu estratéjiku bá fetu sira iha polítika sei hahú rezolve dezafíu sira atu permite fetu sira espasu atu kontribui bá iha dezvoltimentu ita nia nasaun nian, no exerse sira nia direitu maksimu iha partisipasaun públiku ho polítika nian hanesan asegura husi ita nia konstituisaun ho CEDAW.

Hau espera katak diskusaun ne'e lao ho susesu no haré bá oin atu rona kona-ba rezultadu bá eventu importante ne'e.